



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Ervditione Religiosorvm**

**Humbertus <de Romanis>**

**Ingolstadii, 1591**

**VD16 H 5888**

43. Quantum actiuos contemplatiui præcellunt.

[urn:nbn:de:hbz:466:1-50980](http://urn.nbn.de/hbz:466:1-50980)

ni & temporis cordis hoc imputabitur. Amplius dico quod deficiunt & errant qui in suis contemplationibus plus quam oportet inquirere volunt: valde quippe est eis humilitas necessaria charitatis custos, & nutrix.

*QVANTVM ACTIVOS CONTEMPLATIUI PRECELLUNT.*

C A P V T X L I I I .

**Q**uantum ad tertiam rationem, quod scilicet aliqui contemplatiui falluntur & efficiuntur dementes, & melancholici, responderet prædictus Gerson, quod eodem modo in vita actiua multi decipiuntur, non habentes discretionem, quæ requiritur ad opus cœptum consumandum. Neque omnibus hæc gratia exhibetur scilicet intendere contemplationi certis de causis iam assignatis, quemadmodum ait Apostolus: Vnusquisq; habet proprium donum à Deo: vnum sic, alius vero sic. Et iterum si in corpore omnia membra essent oculus, vbi manus, &c. Verum est tamen quod homines mundani facilè iudicant contemplatiuos esse amantes, & melancholicos, quia non faciunt sicut & ipsi: nam omnia partuipendunt quæ illi nimis amant & magnipendunt. Sed non vident magnas consolationes & sancta opera, & spirituales diuitias quas acquirunt contemplatiui mundum spernentes, & à se procul pellentes omnem avaritiam, iram, inuidiam, & vniuersam vanitatem. Quæ huius mundi amatoribus non modicam præstant vexationem, & contemplatiui

viuunt in magna quiete, & pace suæ conscientiæ; quæ est tam magnum bonum, ut aliud ei hinc nequeat comparari. & loco mundanarum occupationum super terram, in angustissimo loco & re modica, ipsi contemplatiui occupantur in maiori & ampliori loco atque negotio, quam sit totus mundus, hoc est in Deo. Quid per hoc exprimere velim, norunt in talibus experti. Certum siquidem est quod vita rationalis creaturæ consistit potius in operatione intellectus seu rationis, quam in aliquo alio: hoc est in rationalibus meditationibus, & in amore spontaneo. Vnde illi & quasi solum dicendi sunt viuere, qui in contemplatione tali cibo & potu reficiuntur, & non illi, qui animas suas & vitam non plus quam bestiæ ad cœlestia leuant: nam illi comedunt, & bibunt, exultant, gaudent, & rident, & sunt occupati in vanitatibus & levitibus, & sua corpora laborant: & sic per hunc modum faciunt sicut pecora. Sed fortè dicent isti, quod suis laboribus alijs auxilium præstant. Hoc idem faciunt equi & asini, & aliquando plus. Quamvis hoc sit laudabile in eo, qui non valet neq; scit aliud, & illud complet fideliter, id est recta intentione, & bono fine scilicet ad seruendum Deo, & subueniendum proximo. Factor tamen contemplatiuos in negotijs mundanis non esse ita sapiëtes, & prudentes, sicut sunt actiui. Ratio est secundùm prædictum Doctorem, quia suum ingenium & intentionem circa talia non apponunt. Vnde fit eos & simplices & insipientes iudicari: sed ipsi de hoc non curant; nam ad hoc vocati sunt secundùm Apostolum,

I

&amp; ad

& ad hoc totis viribus nituntur scilicet stultos  
reputari, vt possint esse sapientes.

QVAM EST NECESSARIA CONTEM-  
platio diuina gratia.

C A P V T XLIV.

**I**Am superius aliqualiter exposuimus, quod silentium alterum est extra animam, alterum intra; & quod contemplatius non tam satagit exterius silentium & secretum attingere, quam interius. Ad quod acquirendum est necessaria custodia & secretum cellæ. dicit enim beatus Bernardus quod speciosus animæ IESVS CHRISTVS verecundus est amicus, neque libenter ad sponsam suam accedit multitudine præsente; querit autem esse solus. Oportet igitur animam à se omnino expellere exterius & interius omnes occupationes, & solummodo esse solitam & intentam ad recipiendum sponsum suum, quoniam quidem est simplex & unicus: ideo vult queri in simplicitate & unitate cordis. Tale autem cor scilicet circa exteriora occupatum non est simplex, & unitum, sed huminis, vanis, & illicitis curis multipliciter diuisum. Sed heu fratres ad quantam miseriam nobilis anima redacta est propter peccatum, quæ in primo statu innocentiae ordinata fuerat ad contemplandum Deum creatorem suum, & considerandum spiritualia: quod nunc tanta pœna & difficultate, onere corruptionis sue agrauata vix explere potest. Quod benè experuntur qui ad hoc conantur. O Deus meus quid